


礼  
位



礼  
位

吳興劉氏嘉業堂鈔本

宋會要卷第三十六

大興徐松輯大典本

吳興劉承幹編定

禮六 吉 宮 祠 宮 觀

祠宮

觀

新會堂書畫堂鈔本

大興徐松輯大典本

吳興劉承幹編定

禮六吉 祠宮 觀



祠宮

鴻慶宮 大中祥符七年正月詔曰昨陽奧壤藝祖舊  
邦應命歷以天飛創基圖而日新朕躬朝馮水茂集蕃  
禧旋幸平臺緬懷積德想清都之錫類慶鴻緒之無疆  
奉真像以顯昂建靈宮以曲密洪惟二聖敷佑萬方故  
當陪仙御於福廷儼宸儀於恭館南京新修聖祖殿宜  
號曰鴻慶宮仍奉安太祖太宗像八月遣都知閻承翰  
內侍楊懷古奉像至歸德殿後正位權安天聖元年三  
月修殿成詔知制誥張師德奏告南京內城迎聖像奉

東

安四年十月又奉安真宗御容。  
 康定元年六月經火別建齋殿供養。  
 慶歷六年十二月又詔重修三聖御容殿。  
 七年六月命翰林學士張方平往奉安右奉太祖太宗  
 真宗神御。大典卷二百四十九  
 鳳臺山宮 天聖八年正月差內侍張懷恩就永安縣  
 紫玉山置宮九年閏十一月十五日宮成詔遣三司使  
 晏殊上御藥供奉羅崇勳江德用自京迎太祖太宗真  
 宗聖像至宮奉安仍改營玉山為鳳臺山。  
 治平三年九月二日龍圖閣直學士李東之相度仁宗  
 神御殿乞免鳳臺村戶絕地土租稅。

吳興劉氏嘉業堂鈔本

四年十二月三日戶部副使蘇寀內侍押班王守規相  
 度英宗神御以降真殿第六間奉安並如其請。  
 熙寧二年五月九日迎奉仁宗英宗御容赴文德殿。  
 十三日上親行酌獻之禮乃赴西京。  
 二十二日奉安右奉太祖太宗真宗仁宗英宗神御。

右

吳興劉氏嘉業堂鈔本

龍德宮 徽宗元符三年已即位未改元二月二十四日詔懿

親宅潛邸賜名龍德宮管勾官令入內侍省取旨大觀

元年十月十二日上批龍德宮五日一次提舉官宿於

本廳日輪提點官一員宿於本廳勾當官一員宿於廨

舍已上遇疾患事故在假即輪當次官。

政和四年三月十五日侍衛步軍司奏提舉龍德宮直

睿思殿同提舉大晟府楊戩奏奉聖旨侍衛步軍司可

特差借宣劾六軍兵士二百人帶行見請諸般請給日

下發遣龍德宮役使充本宮齎占祇應與免諸處差借

揀選體量向去有關依此差借如有拘礙特依今來指  
揮詔割移名糧充龍德宮清衛闕額。上同  
欽宗靖康元年四月七日以太中大夫門下侍郎耿南  
仲為正奉大夫資政殿學士朝散大夫王易簡為中大  
夫中書舍人譚世勳李熙靖並為顯謨閣待制提舉醴  
泉觀主管龍德宮。上同  
五月一日宰臣徐處仁等言陛下躬聽機政不得侍上  
皇於別宮視膳問寢之念每形辭旨乞詔提舉龍德宮  
官日具道君起居平安以聞庶慰聖孝晨夕企慕之意  
從之。大典卷二  
百三十四

吳興劉氏嘉業堂鈔本

致和當是政和

上清寶籙宮

致和初詔於景龍寺東對晨暉門作上

清寶籙宮五年九月二十日詔上清寶籙宮隸京城所

提舉管轄仍差蓋從熈充提舉黃冕充提點是年十二

月一日御製寶籙宮仁濟輔正亭記云闕宮隅外墻東

北地踰項作室百堵名之曰上清寶籙宮中殿以事高

真號曰始清西以奉本命號曰天祥東以居其徒集修

身學道羽衣之士請命上帝以受金籙行正一靈文玉

笱考照法又即宮門之西於臨道衢營屋數十楹中建

亭曰仁濟選其徒修潔禁行者使行其術以濟萬民朕

潔精齋戒洗心凝神書符呪水以賜日以千計不遑暇

逸勞不自憚於攜幼扶老策杖肩輿匍匐雜還至者萬

還當是還

有餘衆一亭不足容增其北更為亭曰輔正。上同

徽宗政和六年二月一日上清寶籙宮道院奏乞每歲撥放童行及紫衣師號及遇天寧節詣內東門進奉功德疏乞汴河船一隻西至河陰汜水東西淮南兩浙般載柴灰米麥雜物乞免力勝商稅牌一面乞菜園墳地共五頃於都城外或畿內條官諸色田地內踏逐標撥乞銅朱記申發公文使用詔並從之。上同

神霄玉清萬壽宮 原名

天寧觀壽觀 政和元年八月八日詔天下崇寧觀並

吳興劉氏嘉業堂鈔本

改作天寧觀壽觀。

四年四月二十四日詔福州天寧觀置道教一藏以政和萬壽道藏為額。

七年二月十三日詔天下天寧萬壽觀改作神霄玉清萬壽之宮。大典卷五 百六十二

神霄玉清萬壽宮 徽宗政和七年二月十三日詔神霄玉清萬壽宮如小州軍監無道觀以僧寺改建如有道觀處止更名仍于殿上設長生大帝君青華帝君像。

大典卷五 百六十二

二十三日臣僚言州府軍監內以僧寺為神霄玉清萬壽宮乞縱有常住并殿宇圓備有莊產寺改充從之。上同

五月一日詔天下神霄玉清萬壽宮歲度童行紫衣並未改宮以前數日降賜如元無額即並賜歲度童行紫衣各一道。同上

二十二日知杭州徐鑄奏乞神霄玉清萬壽宮添撥田共二十頃於浙西迤州有管諸司堪好田內擇撥應副詔依如違以大不恭論。同上

六月二十八日尚書省言諸州將寺院改建神霄玉清萬壽宮舊有莊田賃屋合依天寧萬壽觀已降指揮免納夏秋二稅及房廊賃錢從之。同上

七月二十二日詔諸路州軍應改寺作神霄玉清萬壽宮大州軍並徙期告諭限半月遷徙如接便接擾許人

吳興劉氏嘉業堂鈔本

告賞錢三百貫犯人決配千里。同上

九月十六日中書省言諸神霄玉清萬壽宮與免支移折變從之。同上

八年二月二十日詔曰朕嗣守大位賴帝博臨高真屢降祥應沓至萬邦咸寧深惟脩報之誠無得而稱詔天下作神霄玉清萬壽宮奉上帝君大君之祀以嚴報稱與天下祈福將暮年于茲而三數州玩弛弗虔曾不肅給明宮齋廬或粗設貌像或僅容數士槩陋不調弗稱明靈羽流陳訴輒被刑戮豈所望哉其令諸路提刑廉訪巡按所至躬詣新宮瞻視考驗究其避就觀其廢舉察其施設具奏將有攷焉。同上

五月二日詔諸州神霄玉清萬壽宮並依在京宮觀體  
例 同日詔兩浙路漕臣詹度差提舉本路神霄玉清  
萬壽宮通判帶同字。上同

七月三日詔宰臣可兼神霄玉清宮使執政官充副使  
判官聽旨差自改官制不置使名候道教興隆宮字悉  
備即罷。四月開封尹盛章奏乞依天下州軍知州帶管  
幹神霄玉清萬壽宮字以嚴聖主崇奉上真之意詔府  
尹充管判少尹充管幹在京神霄玉清萬壽宮。上同

十四日詔天下神霄玉清萬壽宮門可視至聖文宣王  
廟立戟以稱崇奉。十五日河東路轉運判官王似言本  
路神霄玉清萬壽宮有本州見無戶絕折納田去處欲

吳興劉氏嘉業堂鈔本

于隣近他州有戶絕折納田處貼撥候本州有田日逐  
旋却行改撥從之。上同

八月二十九日提舉上清寶籙宮王詔言欲逐州差親  
民文臣專切管幹神霄玉清萬壽宮詔本路提舉漕臣  
于逐州軍并縣鎮選擇寄居宮觀年六十已下通判資  
序已上人一員甲尚書省就差管幹。上同

閏九月四日左右街道錄院言折可求奏乞降賜道教  
法物及先天紀文字看詳道教法物係在先天紀文字  
內今先乞下醴泉觀藏經內關借抄錄到一部計三十  
六卷詔付所屬官司頒降。上同

十月二十二日廣南東路轉運判官燕瑛言道教方興

宜立殿最之法應今後知通並十日一詣神霄宮檢察  
仍以所檢察事置籍書之其提舉本宮官歲遍所部具  
當職官奉行優劣以聞從之。上同

十一月十日詔諸路漕臣提舉神霄玉清萬壽宮鑄造  
銅印一面給付以提舉某路神霄玉清萬壽宮印為文。

上同

宣和元年四月十一日詔天下神霄玉清萬壽宮已賜  
田產房廊道業並交割竹木宮掌首置厯支用更不隸  
州郡掌管前後所降知通檢察考課指揮更不施行。上同

八月二十三日以宮成降德音于西京諸道。上同

四年九月二十七日詔今後應神霄宮知副有關聽逐

吳興劉氏嘉業堂鈔本

處于道士內不以有無官品推舉實學業素著為眾所  
推之人本州守貳審察保明降敕差補。上同

六年閏三月二十七日詔奉使及監司等官巡歷經過  
州軍並令詣神霄宮朝拜著在甲令今後如遇夜入城  
並于次日朝拜若公事急速自合依免赴。上同

七年二月十七日詔以處士劉知常所造神霄玉清寶  
輪令撰舉道錄院賜在京神霄玉清萬壽宮奉安寶藏  
餘賜外州軍神霄玉清萬壽宮奉安寶藏禮儀使差太  
師魯國公蔡京都大管幹官差張道濟。上同

欽宗靖康元年二月十三日詔罷宰執兼神霄玉清萬  
壽宮去處使副。上同

七月四日詔諸路州軍先以僧寺改建神霄玉清萬壽宮去處已降指揮給還田土所有元賜名額合依政和八年正月六日赦文許令緣化修建從禮部請也。上同

光堯皇帝建炎元年六月四日尚書省言近降赦文內天下神霄宮並罷舍屋什物錢糧田產州縣拘收具數申尚書省詔江寧府神霄宮元係保寧寺鎮江府係龍游寺泗州係普照寺洪州係上藍寺並給還其餘州軍內有元係古寺改建者令本州開具以聞應新建去處依赦施行。上同

七月一日尚書禮部言東南神霄宮舊有賜田房錢并諸處贖學錢合根括拘推計置銀絹前來應副國用。上同

吳興劉氏嘉業堂鈔本

開元宮 嘉泰元年四月十九日詔可將潛邸府改克  
開元宮幹辦官差毛居實今後作入內內侍者窠闕比  
附太一宮作上等三年替既而居實依太一宮體例裁  
減條具。今來開元宮將潛邸舊府創建崇奉香火乞  
以幹辦開元宮為名一所差幹辦本宮更不支破諸般

吳興劉氏嘉業堂鈔本

請給等。一本宮條創建將來降到金銀器皿酌獻醮器  
等及錢物入出闕人掌管照得太一宮差置監真儀庫  
官一員專知官一員手分二名貼司一名共五人今乞  
減專知手分各一名止差三人內監庫官一員更不差  
置止差監門一員兼掌管官物許於已未到部見任得  
替待闕大小使臣校副尉內指差理任酬賞請給等並  
依太一宮真儀庫官條例日後遇闕依此差取并乞差  
手分貼司各一名許於內外官司及白身人內指差理  
年遷補出職補授請給等並乞依太一宮體例。一早晚  
焚脩合用道眾照得太一宮額管道士三十五人今乞  
減二十一人止差一十四人於內外宮觀踏逐指差有

道行道士赴官仍不... 正司所轄并免諸處差借如  
日後遇闕依此施行。本官行移印記乞下文思院鑄  
造以幹辨開元官印六字為文一照得太一宮昨於殿  
司差撥不披帶人兵七十人克把門掃洒守宿雜役創  
置寨屋並割籍名糧赴官幫勘今若依體例差撥竊緣  
開元宮別無空隙地段創蓋寨屋今欲裁減四十人止  
乞下臨安府差撥無過犯將兵三十人內節級人員二  
人止就本將居住分番赴官專聽差撥雜役洒掃地防  
使喚照得太一官於臨安府差破茶酒帳設司四人今  
止乞差二人所差人兵除本身見請外將兵每日各添  
支茗帚等錢五十文人員節級各七十文茶酒帳設司

吳興劉氏嘉業堂鈔本

各添支食錢一百文並於臨安府按日支破遇闕依此  
差填一乞下皇城司踏逐親事官二人充替背印投送  
文字並一年一替一應差到祇應人乞下皇城司支破  
勅號從之。四年六月三十日詔令臨安府於開元宮火  
德真君殿之右創建開伯高邱宣明王殿其神像依典  
禮用王者之服。先是臣僚言本朝王以大德於開伯之  
祀奉事尤謹况已封王爵今乃抑王爵而目為真官使  
之侍立於星像之側乞別建殿宇以彰國家崇祀大德  
之意禮部太常寺討論乞每歲立夏日差官祀開元宮  
先大德真君次高邱宣明王所用祭器祝版幣帛素饌  
等物應干事件並依見今太一宮體例故有是詔。嘉定

七年三月九日幹辦開元宮言本宮崇奉御前香火專  
管酌獻金銀器皿應干事件全藉曾經繁雜人任使緣  
差到人方諸事務即行替罷實為未便已差下姚序欲  
候任滿將上件監門員闕改作掌管官物使臣名稱不  
理資任亦無酬賞其請給雇募並依則例許於大小使  
臣校副尉吏職補授人差取如遇遷改事故依此差填  
從之。九月二十三日詔開元宮承佃平江府吳江縣震  
澤鄉第十都荒補涇角字號沒官荒田一千三百畝特  
與免納租錢如有其他寺觀援例陳乞許令三省執奏  
○十四年八月十五日詔撥平江府吳江縣震澤鄉戍字  
記田四百三十三畝賜開元宮為業。十六年九月二十

吳興劉氏嘉業堂鈔本

一日詔開元宮係潛邸改為宮觀事體至重特免納租  
賦其餘寺觀不得援例

大典卷二百五十九

吳興劉氏嘉業堂鈔本

九宮太乙祠

國朝承唐制祀九宮貴神東郊用大祠禮真宗咸平四年三月二十四日直秘閣杜鎬上言按史記封禪書云天神貴者曰太一太一之佐曰五帝今禮以五帝為大祠太一為中祠况九宮所主風雨霜雪雷電疾疫之事唐玄宗天寶述九宮貴神次昊天上帝類於天地神祇玄宗肅宗皆嘗親祀惟文宗太和中太常博士崔龜從請降為中祀至武宗會昌中升次昊天上上帝欲復為大祀用協舊章詔史館禮院詳定以聞翰林學士承旨宋白等議曰伏以太一天之貴神止在中祀考於禮文是為倒置况會昌中僕射王起博士盧就討論詳定頗

為酌中令請如鎬議復為大祀其御香祝版禮同社稷  
增設壇兩壝玉用兩圭有邸藉以藁秸加茵褥如幣色  
南郊大祀公卿升降各有階陛壇四階之外西南又為  
一陛坤道入門令請行事升降仍舊由此並從之

八月七日詔以九宮貴神壇壝不合禮制及與墳塚  
相接遣使遷移修飾太常禮院上言大壇上面元無尺  
丈濶狹令請第一成東西南北各一百二十尺高三尺  
再成東西南北各一百尺高三尺壇上安小壇九每壇  
高一尺五寸縱廣八尺各相去一丈六尺取容神列祭  
器及公卿酌奠奏可仍遣官以香幣酒果致告

大中祥符元年七月十三日以東封泰山詳定所上言

吳興劉氏嘉業堂鈔本

先准勅九宮貴神升為大祀今參詳如在本壇即為大  
祀如當郊祭元無此神况位座不全珪玉虛設其於封  
祀壇不合用玉望令三省官集議詔吏部尚書張齊賢  
集兩省給事舍人以上同議定以聞封祀壇准圓邱從  
祀惟有太一攝提軒轅招搖咸池太一等位是時頗疑  
神名或殊

九宮貴神壇四階之外西南又為一陛曰坤道入門請  
行事升降仍舊由此從之

吳興劉氏嘉業堂鈔本

觀

天慶觀 真宗大中祥符二年十月詔曰朕欽崇至德  
誕錫元符率土溥天真福祥之威被靈壇仙觀俾興作  
以攸宜庶敦清淨之風永洽淳熙之化應天下州府軍  
監闕縣有全無宮觀處擇空閑官地以官錢及工匠建  
道觀一以天慶觀為額若百姓願捨地及就官地備財  
修者亦聽 五年閏十月詔于新建觀置聖祖殿以官  
物充殿內尊像及侍從令玉清昭應宮具儀式降付  
六年正月知雄州李允則言州無道觀以已俸創北極  
殿蒙賜列真觀額近奉詔蓋天慶觀當州別無地位遂  
就列真觀醮設今又令修聖祖殿已于觀北置得空地

緣本觀未有三清玉皇殿今欲蓋造未知聖祖殿合在  
三清殿前後乞降式樣仍改賜天慶觀為額詔從之仍  
下詳定學士院準道藏所奏定三清為上玉皇次之聖  
祖又次之北極又次之凡醮告清原枝原本如此似應作青詞並依  
此次序今雄州殿宇欲依此兼慮諸州天慶觀未並有  
三清玉皇殿處如各建即依此若未編造但據殿宇依  
此設位從之 十二月知處州張若谷言奉詔修聖祖  
殿未蒙降到聖像部像又勅舊有軒轅廟處並議修崇  
當州仙都山軒轅皇帝祠宮已重修正殿及添部從竒  
聞皇帝得六相而天下治命蚩尤明天道太常祭地利  
青龍辨東方祝融辨南方大封禪西方后土辨北方又

吳興劉氏嘉業堂鈔本

觀御札有六人躬揖天尊就坐以臣恭詳必當時六相  
按唐天寶六年敕三皇五帝各有配享惟神農以祝融  
配黃帝以后土配其餘蚩尤太常青龍大封各未有配  
以臣愚見乞于黃帝殿內安六相塑像并加謚號增入  
醮位事下詳定所恭議且乞所以加謚號伏緣神靈之  
事不可恪知恐難執據今請添入設醮六位及于殿內  
安塑像望令玉清昭應宮與聖祖樣同詔下從之是年  
以朝謁太清宮詔亳州應天府聖祖殿自京造像往彼  
奉安及車駕至皆詣殿朝拜 七年詔南京天慶觀聖  
祖殿宜號鴻慶宮仍設太祖太宗像西京亦曰天慶觀  
南京復別置鴻慶宮而天慶觀仍舊惟不改聖祖像其

後定令諸州給開田供齋厨藩鎮十頃餘州七頃或五  
頃八年正月禮儀院言諸路天慶觀聖祖殿其轉運  
司提點刑獄官巡歷所到並穿執燒香長吏以下除天  
慶觀天貺先天降聖節冬至三元日率州城內命官齊  
赴朝拜每到任得替並先詣觀朝謁及辭若觀內有三  
清玉皇聖祖北極殿並依次第列班朝拜知州升殿燒  
香訖歸位再拜若聖像不在本殿塑造即候了日選吉  
日具道門威儀官員穿執迎引奉安公私人入觀瞻禮  
如暈食者不得升殿從之三月江南轉運使曹谷言  
天慶觀聖祖殿將成慮臣僚不知道家典禮每因朝謁  
多入正門馳驟乞並令門外下馬從之閏六月禮儀

暈當是暈。

吳興劉氏嘉業堂鈔本

院請令天慶觀立石刻建置勅文事迹及于碑陰刻官  
位定到紙樣付諸路候刻了打本進納從之天禧元  
年五月一日禮儀院言諸州天慶觀常須清潔止絕閑  
雜人出入勾當事官員使臣不得于觀內安下每過五  
節三元正冬寒食許士庶入觀燒香瞻禮不得升殿凡  
有道場設醮並令本觀道士鋪排供養香火不得令諸  
色人升殿官員使臣不得乘馬入門先行私禮將至門  
禁呵止如升殿朝拜並具袍笏不得挾從人上殿及制  
作名目入觀聚會飲宴如有士庶施錢就觀齋醮除不  
得于國家起建道場處排設外並許穩便鋪設供養次  
第即不得與朝廷所降數同毋得過百二十分者長吏

常令檢視完葺即不得別乞添造舊觀宇俯偏街市喪  
葬之具並須取路迴避不得觀前經過並從之 二十  
日知明州劉綽言諸州天慶觀聖祖殿請自今長吏以  
下每到任得替泊朔望並齋潔親詣朝謁及辭從之  
二年五月知陳州馮拯言當州建天慶觀工畢望下道  
錄院選道流一人住持仍于本州戶絕或逃田內絡充  
常任從之 仁宗天聖元年九月知秦州陳堯咨言秦  
州城中古道觀名紫極官後為天慶觀置殿奉安聖祖  
像近又奉詔于城北更修天慶觀亦有聖祖殿其城北  
觀元是古壽山寺最為勝迹昨因造觀探占三分之二  
緣當州司有天慶觀乞將觀地依舊創壽山寺餘材木

吳興劉氏嘉業堂鈔本

添修當州南山妙勝院況本院有天水池乃國家郡望  
寔宜崇飾詔從之其妙勝院內天水池令常愛護 八  
年八月詔如聞都州天慶觀及寺院有在城外者官吏  
節序朝拜或國忌行香絕早開門妨廢管轄今後都監  
監押巡檢軍員等不赴朝拜行香 慶歷二年閏九月  
除諸州軍天慶觀所賜田稅 皇祐三年八月十四日  
詔真州天慶觀先賜到兩莊田土後來給與長蘆崇福  
禪院充常住宜令本路轉運司給還本觀 徽宗崇寧  
元年四月八日臣寮言天下州軍天慶觀聖祖像有係  
泥塑者並令合屬計置改充漆布塑像物料工直至至  
置造銀花瓶並以係省錢充殿牌皆以金字其餘務在

嚴潔恭肅以稱尊祖欽崇之意從之 大觀元年四月  
十六日禮部言修立諸天慶觀金寶牌聖祖殿供養之  
物輪知事道士一人主守滿一年無曠失聽度係帳道  
童一人如有曠失即差人承替別理年限從之 政和  
四年正月二十日詔天下知州軍監等應天慶觀每年  
特賜紫衣一道 五年十月二十三日詔大名府天慶  
觀殿宇令大名府路安撫使姚祐修建轉運司應副什  
物令後苑依製造御前生活所製造從祐請也 十一  
月十八日中書舍人陸蘊言諸州天慶觀興建歲久及  
聖祖殿率多損陋損壞乞量賜度牒隨宜增葺詔諸路  
轉運司各具本路州軍天慶觀合修葺處申尚書省

吳興劉氏嘉業堂鈔本

七年正月二十二日詔諸路州縣官吏每遇朝拜天慶  
觀並先詣昊天玉皇上帝殿次詣聖祖殿 宣和三年  
十一月十四日詔諸州天慶觀今後不許建置祠堂  
五年六月二十一日詔諸路天慶觀行香朝拜今後止  
許于正三門外上下馬 光堯皇帝紹興七年閏十月  
二十四日臣僚言伏觀四月二日指揮太廟殿宇可賜  
臨安府充聖祖殿臣恭惟本廟推尊聖祖肇自祥符止  
于天慶觀建置殿宇奉安以示一時崇奉之儀仁宗纂  
承以來五聖百年踵行不易惟臨安府天慶觀聖祖聖  
像并殿宇頃因兵火燒毀若因舊修立宜無不可今來  
乃賜太廟以為聖祖殿在理寔有未安乞斷自宸衷追

還成命從之 二十六年三月二十七日太常寺言本  
朝典故內大中祥符五年十月二十四日聖祖降于延  
恩殿于聖祖坐西斜設六位天尊就坐有六人揖天尊  
而後坐詳定所言請以玉清昭應宮後殿為聖祖正殿  
金銅鑄聖像西斜設六位侍從一如延恩殿所見之儀  
仍增金童玉女詔天下州軍府監并于天慶觀置聖祖  
殿其尊像侍從令玉清昭應宮立式詳定所言其六位  
仙官望令編修道藏所添入醮位及于聖祖殿設像仍  
令玉清昭應宮并聖祖畫像同降諸路從之又錄到聖  
祖九司司命保生天尊降臨記照得天尊冠簪衣服如  
道像中元始天尊有六人皆秉玉珪其中四人冠類天

吳興劉氏嘉業堂鈔本

尊冠無起雲葉衣服亦同二人冠通天冠服絳袍天尊  
就坐六人躬揖天尊就坐天尊坐側有四真人二童子  
分東西侍立侍坐者各有一童子本寺今欲依制度并  
所設次序塑像令諸路州軍隨宜措置施行不得賣緣  
搔擾詔依先是右朝請大夫知濠州周綬詔諸州天慶  
觀聖祖殿神御位次多或不同有失崇奉之意乞下禮  
院講究元本制度至是條具行之大典卷一萬六千二百二十四  
集禧觀舊曰會靈 真宗大中祥符五年九月詔修玉  
清昭應宮使丁謂等就南薰門內奉節致遠三營地及  
填乾池之西偏建觀以奉五岳帝又命內侍鄧守恩監  
修仍作保康門於朱雀門之東又作延安安國二橋南

闕街與觀北門相直 七年九月詔名觀曰會靈東西  
門曰左右嘉應後門曰昭福獻殿曰延真靈寶天尊殿  
曰崇元齋殿曰祝禧其月十九日上梁命宗室宰臣觀  
之許士庶觀看三日賜百官休一日 八年四月修景  
靈宮使丁謂言會靈觀頌記及延真殿五岳殿額乞御  
製御書從之 五月詔會靈觀池以凝祥為名園以奉  
靈為名即舊池也又導惠民河注之 十一日十日御  
書殿額自正陽門設儀仗僧道威儀教坊作樂迎導赴  
觀又許士庶燒香三日賜文武百官假一日 十一日  
奉安尊像挂額車駕幸觀焚香宴從臣於祝禧殿復詣  
凝祥池觀醮殿修葺蓋太祖所建池殿舊址也真宗令增

吳興劉氏嘉業堂鈔本

崇之至是而成賜工人役徒緡帛有差初欲與景靈宮  
同日上梁帝以崇奉之禮不可畧也遂令先後異日  
十二月命丁謂齋宿會靈觀五殿建為民祈福道場每  
季皆准此著為定式 九年正月幸會靈觀前一日所  
司預於齋殿陳設及設從臣幕次又於諸殿東廊各設  
御幄備褥位香案諸挾殿崇元殿三門道場各設褥香  
案如儀是日帝服鞞袍輦如本觀修宮使已下拜起居  
前導赴三門道場焚香如常儀從官陪位次詣東岳殿  
陪位官班定修宮使奏請皇帝赴殿焚香即前導至東  
階上褥位請皇帝再拜從官皆再拜皇帝三上香又再  
拜復導皇帝還褥位禮直官引宰臣一員升殿上香歸

位再拜皇帝又再拜畢詣諸殿並如東岳之儀歸御齋  
殿進膳從官賜食如儀自是朝拜之儀著為令式 二  
月令會靈觀每朔望三七正室寒食上巳三元許士庶  
焚薌著為定式五月觀成車駕親詣酌獻凡延真殿虛  
其中啟醮於此設立次則五殿差布正東東岳天齊仁  
聖帝正西南嶽司天昭聖帝正西西嶽金天順聖帝次  
東北嶽安天元聖帝皆相對面西嶽北嶽稍退中位中  
天崇聖帝又稍退每殿二夾東嶽佐命曰羅浮山拔蒼  
山南嶽儲副曰霍山潛山西嶽佐命曰睇山北嶽佐命  
曰河逢山抱犢山中嶽佐命曰少室山武當山皆設真  
君像殿廊各圖山岳形及得道事迹崇元殿設靈寶天

吳興劉氏嘉業堂鈔本

尊像二夾殿設中茅小茅君像觀西墻別有小池中建  
鴻福殿扶桑大帝暘谷神王洞淵龍王像每歲春秋具  
祝文祭賽 九月會靈觀使陳彭年言請本觀每月朔  
開觀一日上元清明節各三日中元下元節各一日從  
從之 天禧元年十二月詔刻五嶽帝玉寶令會靈觀  
使王欽若奉上以汾陰歲加嶽帝號有冊無寶故也  
仁宗慶歷四年七月十二日詔會靈觀延真殿已奉安  
玉皇玉虛聖祖及三聖真容令皇城司不得放入臣僚  
皇親乘騎鞍馬及諸色閑雜人并牽鞍馬入殿庭內  
皇祐五年正月會靈觀火尋重修至六月成詔名曰集  
禧初觀火即舊址西偏復建一殿內祠五嶽名曰奉神

殿蓋取真宗嘗著奉神述也因命知制誥蔡襄重摸真宗御書故本立於東廡名曰神藻殿仍令襄書殿額又以靈應真君殿為靈福殿今王洙書額至和石元年六月二十三日詔名齋殿曰潔誠園曰芳華神宗熙寧二年閏十一月二十三日詔集禧觀神藻殿奉安唐舊周三真君仍取真宗皇帝御集之字令於天章閣收掌徐輯大典無卷數景靈宮太極觀在兗州真宗大中祥符五年閏十月詳定所言伏見御扎天尊垂諭再降乃軒轅皇帝母夢靈感天人生于壽丘今兗州曲阜縣有壽丘伏望于壽丘建道宮以奉聖祖道觀以奉聖祖母詔建宮以景靈

吳興劉氏嘉業堂鈔本

為名觀以太極為名是月兗州按壽丘周回及四至地步詳定所定所修景靈宮太極觀並南開三門二重東西兩廊中建正殿接連擁殿及置道院齋廳並量地之宜觀制度量減于宮詔入內東頭供奉官周懷政往彼與本州畫圖相度施行六月監修兗州宮觀周懷政言功役兵匠營在側近者乞放歇泊一月如願役者依舊從之又以役兵稍多樞密請差御前忠佐軍頭一人部轄真宗曰本州已有監押巡檢二員可令不住巡檢常輟一員同兵部轄七月詔內侍于萊州采玉石造聖像令本州道士就山致祭是月以右僕射門下侍郎平章事王旦為兗州景靈宮朝修使旦言修景靈宮請

賤

外

用先天節設道場畢詣至聖文宣王廟會直官奉東岳廟真君觀望下禮官恭酌儀制又言路出澶州欲詣河濱廟致奠並從之仍命右正言直集賢院夏竦掌旦踐殿奏八月以入內押班周懷政為修兗州宮觀都監是月王旦言壽丘慶丘除崇飾行禮行並望禁人輒上從之二丘以石累工有石慶丘設壽星像又北有臺上建亭名安福是月詔于宮北鑿河賜名慶源是月王旦言請令濟兗州巡檢送管勾景靈宮太極觀從之九年二月詔修景靈宮副使林特詣宮設醮點檢營作詔獎監修內臣及賜工卒緡錢四月內出御書兗州宮殿額示近臣具儀仗道門威儀教坊樂出正陽門赴州安掛帝作

吳興劉氏嘉業堂鈔本

七言詩賜王旦等五月十三日宮成凡棧殿齋宮廊舍總千三百六十二區一本南門曰左右大順北門曰左右迎福後門曰會寧景靈宮正殿曰昭慶後殿曰天康前東西側門曰左右大安東西偏門曰左右大明夾道南門曰大順北門曰迎福後門曰迎會太極觀正殿曰安昌後殿曰嘉福前東西側門曰左右延和東西偏門曰左右保和夾道南門擬和北門曰迎既一本南門曰左右擬和北門曰左右迎既十四日詔景靈宮使向敏中充兗州景靈宮觀慶成使行告成之禮又詔放士庶入宮觀焚香遊看五日賜向敏中丁謂林特夏竦襲衣金帶器幣有差八月詔自今京東轉運使知兗州并兼管勾仙源院宮觀又以内殿承制張承素

管勾又選軍士三百給洒掃之役從之 天禧元年正月以司徒門下侍郎平章事王旦為兗州太極觀奉上帝寶冊使景靈宮副使尚書右丞兼宗正卿趙安仁副之龍圖閣待制李虛已押寶冊左正言集賢校理宋綬押仙衣。二月詔兗州宮觀每月朔許士庶瞻拜 大典卷一萬六千二

吳興劉氏嘉業堂鈔本

醴泉觀 醴泉觀舊曰祥源真宗天禧二年閏四月詔拱聖營醴泉所宜度地立觀以祥源為名命東染院使鄧守恩督功興建宰相王欽若管勾觀在京城東南本拱聖營元年營中有見龜蛇者建真武堂是年泉涌堂側民疾飲之多愈故有是詔自後常令會靈觀使都監掌之 五月詔修建正殿及三小殿餘俟癸亥年興葺上梁賜將士器幣 六月詔加真武號曰真武靈應真君 十月觀成凡三殿正殿曰崇真真武像也東曰廣聖刻御製贊西曰靈淵即涌泉是日放士庶遊觀五日

四年九月詔增修觀 五年五月上梁皇太子詣觀焚  
香賜御筵輔臣咸預十月畢功凡崇真殿前設廣聖殿  
虛其中為齋薦之所東位建本命殿曰寶壽西位建齋  
殿曰昭回泉西小殿曰棲神北門曰昭瑞西門曰顯祐  
觀前東西門曰左右華清總神厨道院鍾經樓齋室廡  
宇六百三十道南有園曰靈禧東有山池亭曰凝碧一本  
齋殿曰開祥更仁宗天聖二年五月改安聖殿為廣聖  
衣殿曰昭回殿以與玉清昭應宮真宗神御殿名同也 六年三月  
詔改崇真殿為靈真殿以與慈恩寺真宗神御殿名同  
故也。皇祐五年三月詔改靈真殿為靈應殿至和元年  
四月祥源觀火尋重修至二年十二月成詔名曰醴泉

吳興劉氏嘉業堂鈔本

先是觀火修畢而更其殿名靈應殿曰感通廣聖殿曰  
寧聖靈淵殿曰涵清揆神殿曰靈游聖藻殿曰鴻祐開  
祥殿曰崇貺 哲宗元祐元年三月十四日詔改醴泉  
觀慈壽殿為壽禪殿徐輯大典  
無奉數

崇寧寺觀 徽宗崇寧二年九月十七日左僕射蔡京  
等劄子奏臣等伏以陛下邁追先烈分別邪正明信賞  
罰上當天心今天寧屆伏請天下州軍各賜寺額以崇  
寧為名上祝春莫詔依所奏仍賜勅額每遇天寧節鎮  
州與紫衣度牒各一道其餘州軍監各與度牒一道許  
令任便修蓋候了逐旋奏取旨賜經一藏 徽宗崇寧  
二年十月一日御史中丞石豫言伏見宰臣蔡京等以

天寧聖節請天下州軍各賜崇寧寺額此實上廣蓼蕭之澤共伸天保之報區區小臣均作是念伏望特降睿旨許天下置觀比類寺額亦乞以崇寧為名詔節鎮州許置崇寧觀餘依崇寧寺已降指揮 十月九日詔崇寧寺觀並依十方住持其披剃并紫衣自崇寧二年天寧節為始如未有童行即仰所差主管僧道保明手下童行披剃崇寧三年以後即依此施行所修寺觀不拘州城縣郭及名山福地除條禁山林并禁地外如有官地不以有無拘礙並許申監司指射撥充訖奏應有無名額寺觀可以增廣就充或可移併並許本州一面施行或舊條甲乙住持大寺觀僧道只有三五人可以撥

吳興劉氏嘉業堂鈔本

充者亦仰申尚書省許諸色人緣化并州軍學畫修建即不得接便搔擾應修建竹木物料所在州軍給文憑前去計置與免緣路收稅 十二月十七日詔崇寧寺不許官員安泊居占 三年正月二十七日詔崇寧寺惟得建置祝聖壽道場行香及祈求外其餘行香並令就他寺 二月八日詔崇寧寺觀上添入萬壽二字崇寧寺主首依禪寺選僧住持 三月一日詔崇寧寺觀各給田十頃以天荒等田撥充 三年四月十九日知河南府范致虛言杭州請以崇寧觀為皇帝本命殿賜名天保殿仍乞賜御書碑額乞諸州亦依此以御書石本頒賜摹勒泥金揭之殿宇泚之 六月四日詔以崇

寧萬壽寺為額 六月五日詔監司所在州如崇寧觀  
在城內者每月旦日許同本州官屬恭詣燒香及巡按  
所至州城非時亦恭詣本觀燒香點檢不係監司所在  
州軍知通集官屬同詣燒香 十三日勅應天下萬壽  
寺宣賜經及帝任什物不許借出不得客人賫携葷酒  
飲宴 四年五月十四日詔天下修營崇寧寺觀如敢  
科率以違制論 二十三日詔諸路崇寧寺觀鑄闕銅  
許給公據前去就場買銅 二十五日詔諸路人戶捨  
田土頃畝在崇寧寺觀與免納役錢 四年十一月七  
日勅應諸路州軍崇寧寺觀所賜田並免稅 五年四  
月七日詔諸路崇寧萬壽觀朝拜並乘馬於殿門外上

吳興劉氏嘉業堂鈔本

減  
下帶入殿人從不得過三名入元符儀制令 大觀元  
年五月二十八日詔崇寧寺觀並令漸次修整如科買  
科配抑勒者徒二年不以失減論 大觀四年五月十  
四日臣僚言崇寧寺觀賜田并人戶願捨田土役錢並  
免俱為害法詔禮部剗刷關戶部改正 六月十五日  
復詔崇寧萬壽觀官賜田土並依天慶觀例免出役錢  
政和元年八月八日詔天下崇寧萬壽寺觀並改作  
天寧萬壽觀寺 三年十二月六日詔罷印造賜崇寧  
寺經 四年十一月二十五日武岡軍言乞詔令天下  
天寧寺並依舊給元賜田土並免納苗稅從之  
無徐輯大典  
卷數  
寅成觀 大觀元年八月七日詔蜀州民程邁家墳地

有大光紫氣之祥令速行遷葬可為奉真祈福之所宜  
以其地祇建為寅威觀降度牒二百道令轉運司選官  
營繕給常平司良田十頃歲遇天寧節許度童行二人  
賜紫衣一名上同

天授觀 天授觀在開封府陳留縣本漢相張良祠政  
和九年十二月勅賜忠佑廟八年閏九月本府奏請詔  
賜令額上同

通元觀 宣和五年三月十八日徽州言婺源縣有洞  
靈觀本有洞三所祈求必應自唐中和間有開山道士  
鄭全福昇仙之地見管殿一房廊共一百餘區奉三清  
功德四十尊詔賜通元館為額上同

吳興劉氏嘉業堂鈔本

妙元觀 建炎二年二月十四日江南東路轉運司言  
饒州德興縣妙元觀宣和二年改為神霄宮下院今准  
赦罷神霄宮乞還舊名從之上同

旌忠觀 紹興元年十月二十二日秦鳳經畧吳玠言  
陝西出師禱於和尚原東南三聖廟屢獲靈應詔賜是  
額繼而張浚等再於臨安府別建本廟至紹興十九年  
領殿前都指揮使職事楊存中言靈應極昭著乞復之  
以旌忠觀為額從之 紹興二十二年八月二十二日

詔以臨安府覺苑寺地建三聖旌忠觀舊觀在府城踏  
道其地入德壽  
宮橋以別建財植命畫給  
之仍賜白金千兩同上  
寧壽觀係寧壽院紹興二十年六月二十七日詔臨安

府七寶山三茅堂賜觀額同上

白雲昌壽觀 乾道四年五月二十六日詔台州崇道

觀西白雲菴以白雲昌壽觀為額以崇奉皇帝本命香

火故也其後建皇帝本命殿詔以洪慶殿為名同上

萬壽觀 淳熙三年八月八日詔萬壽觀殿宇今臨安

府每月檢計損動去處修整二十三日詔修整萬壽觀

殿宇前期奏告告遷十三年四月二十五日詔萬壽觀

減副知一人手分一人兵級庫子二人院子二人軍兵

一十五人以司農少卿吳燠議減冗食十四年十一月

二十日詔大行太上皇帝御書介福殿牌及丁亥本命

聖像萬壽觀本命相屬并星官位牌撤於本殿內收奉

吳興劉氏嘉業堂鈔本

並住香火

以萬壽觀太一官申請大行太上皇帝升遐

合崇奉下禮部太常寺勘當逐處檢 淳熙十六年二

月十四日萬壽觀言皇帝本命純福殿見安奉至尊壽

皇聖帝丁未本命星官位牌乞依禮例設置皇帝丁卯

本命星官位牌一處安奉每遇至尊壽皇聖帝皇帝本

命日依例用本觀道士一十人就本殿作道場一晝夜

設醮一百二十分位皇帝聖節亦乞依會慶聖節體例

從之 三月十七日本觀言將來安奉高宗皇帝神御

附宮崇奉日及見安奉諸殿神御遇旦望節序生忌辰

乞並依景靈宮體例排辦從之 五月五日本觀言見

權安奉會聖宮及應天啟運宮祖宗神御將來高宗皇

帝神御二位赴宮奉安合添蓋殿宇設置帳座乞下禮部太常寺令臨安府添蓋逐處相視得本殿係是東向其殿北壁別無地段增展今欲于殿南壁增展添蓋殿宇臨安府打量並展向南壁去拆廳庫界牆展套地步以南接連蓋造殿屋挾殿屋各一間并拆移殿門三間廊屋七間向南一丈四尺蓋造乞令本觀俟修蓋畢奏告告遷安奉以南為上於北壁空留二位將來安奉高宗皇帝神御從之 紹興五年七月十八日萬壽觀言皇帝本命純福殿安奉太上皇帝丁卯相屬座并本命星官位牌今皇帝戊子相屬并本命星官位牌乞依此設置同處安奉以祝聖壽及每遇太上皇帝皇帝本命

吳興劉氏嘉業堂鈔本

日依例用道士一十人就本殿作道場一晝夜設醮一百二十分位皇帝聖節亦乞依崇明聖節體例從之慶元二年二月二日本觀言將來安奉孝宗皇帝神御祔宮崇奉日遇旦望節存生忌辰乞依諸殿神御體例排辦從之 四日本觀言見權安奉會聖宮應天啟運宮祖宗神御將來孝宗皇帝神御二位赴宮奉安合添蓋殿宇設置帳座等乞下禮部太常寺令臨安府相視添蓋施行 一將來添修殿宇依自來例奏告告遷設殿神御權於前正殿內奉安俟修造畢却行依舊並從之

同上

附廟

恭順將軍廟。

廟在黃陂縣東嶽行宮安定使者壽皇聖帝隆興元年  
八月封恭順將大典一萬七千一百三十

崇禎將軍查宋史玉  
海未見候考

禮

封禪

吉

